


VOLVEREMOS PALABRA



HOMENAXE
AOS REPRESALIADOS
DO FRANQUISMO

COORDINADORES:
Xoán Carlos Domínguez Alberce
Baldo Ramos

XUNTA DE GALICIA

FURRIOLO

Xoán Carlos Domínguez Alberte

*Composto para o acto do 27 de agosto de 2006,
organizado pola asociación Arraianos,
en homenaxe aos represaliados na contorna celanovesa.
Para que a serra que lle dá nome ao poema
se converta para sempre en símbolo de liberdade*

Caláronvos a boca
na flor da vida
sangrando
impotencia.

A súa impotencia
de querer vencer
e non convencer.

A ti
mestre obreiro alcalde labrego estudante proletario
dígoche que non teño palabras
para volver a túa voz
de home enteiro de muller esperanza.

O vento sen sentidos
levou o suspiro do derradeiro alento
da madrugada nunha gabia asasina.

Galiza
mutilada aldraxada queimada fusilada
para nunca máis
outra vez NUNCA MÁIS
poder florecer.

Malditos miserables covardes asasinados
de camisa azul e paseos nocturnos cautelosos
que carrexastes a morte
ás gabelas
incendiando de sangue
o corazón
da nosa terra.

Eiquí neste Furriolo
que un día sentiú perder todo o alento
e abrasarse a intelixencia
no voso sangue derramado
de tiro na cabeza
en milleiros de ríos estiñados
o voso nome é un outeiro
unha cima de aire
que agora xa se pode respirar
con ollos renovados
e que sempre ten presente
que un día a vosa vida
pagou a pena
e vale todas as palabras
que o vento desta serra
lle levanta cada día
á impotencia.